

Onderhawise mohe wordt met algemene stemmen aangenomen.

Griffie ER Bonaire	
Ingek.:	OCT 30 2018
Volgnummer:	2018011725
Griffier:	Urv.:



Movimentu
di Pueblo
Boneriano

E. Landgraaf d.v.g. d.d. 30 okt '18
Voorzitter

Griffie

MOSHON

mohe 2.

Konseho Insular di Entidat Públiko Boneiru den reunion públiko di 30 di òktober 2018

Konsiderando

1. Ku mundialmente desperdisio di plèstik ta forma un problema grandi.
2. Ku 80 % di tur desperdisio den oséanonan ta konsistí di plèstik, loke a kondusí na formashon di konsentrashonnan gigantesko di desperdisio di plèstik ku ta drif i asina, manera un sòpi di plèstik ta tapa áreanan grandísimo den oséanonan.
3. Ku desperdisio di plèstik ta kousa daño fisiko i morto serka un kantidat grandi di bestia, for di para te ku bayena, turtuga di laman, piska i koral pa motibu ku nan ta kome plèstik òf nan ta hòrka òf stek kuné.
4. Ku desperdisio di plèstik no ta kaba na nada, pero al final solamente ta deskomponé den pidapida ku kada biaha ta bira mas chikitu, e asina yama 'microplastics', ku ta resultá den e siklo di alimento i ta kousa daño na ekosistemanan i finalmente ta resultá den kurpa humano tambe i ta kousa daño na nos salú tambe.
5. Ku saku di plèstik ku ta drif ta forma un peliger grandi pa dos di e atrakshonnan mas importante pa turismo di Boneiru, ku ta nos ref di koral ku ta stek ora e sakunan ku ta drif keda pegá i tapa e koral i e turtuganan di laman ku ta mira e sakunan ku ta drif pa pèchi portugues – nan alimento natural – i ta kome nan.
6. Ku desperdisio di plèstik ta verstop desagwe di awa i pa e motibu ei por kondusí na inundashon ora ku tin yobida fuerte.
7. Ku bientu ta plama saku di plèstik i baki di kuminda di stirofom den nos paisahe, kaminda nan ta keda kologá den vegetashon. Esei ta hasi e paisahe mahos ku pèrdida grandi di su atraktivitat pa turismo.
8. Ku desperdisio di plèstik ku ta akumulá riba tera ta forma sitionan di brui pa sangura ku ta e fuentenan di e malesanan ku nan ta plama, manera dengue, chikunguya i zika.
9. Ku bientu ta supla saku di plèstik for di riba tera den laman kaminda, manera a mensioná aki riba, nan ta kousa morto òf daño físiko serka bestianan di laman, manera prinsipalmente turtuga di laman òf koral.
10. Ku resiklahe di saku di plèstik desachabel of baki di kuminda ekonómikamente te ku awe no ta faktibel na Boneiru.
11. Ku saku di plèstik i baki di kuminda ta forma un parti importante di sushi riba kaminda públiko i ta kondusí na gastu èkstra pa maneho di sushi.
12. Ku Entidat Públiko Boneiru tin e deseo pa protehá naturalesa i medio ambiente i ku esei turismo tambe.

13. Ku Entidat Públiko Boneiru tin komo meta pa remplasá e artíkulonan di plèstik desechabel mas dañino manera saku di plèstik ku ta usa un biaha so, baki di kuminda di poliestireno i richi di plèstik desechabel ku alternativanan reusabel, resiklabel òf ku por traha kòmposèt kuné.

14. Ku ya kaba tin diferente bon alternativa disponibel pa saku di plèstik desechabel, baki di kuminda di poliestireno (fom) i richi di plèstik.

Ta disidí:

- Pa instruí Kolegio Ehekutivo di Entidat Públiko Boneiru pa drenta un trayekto pa yega na prohibishon di uso di baki di kuminda di poliestireno (fom), saku di plèstik desechabel ku ta usa un biaha so i richi di plèstik pa bebe kun'é entrante 1 di yanüari 2020.

I ta pasa pa òrden di dia.



Elvis Tjin Asjoe



Renata Domacassé



Henryson Thielman